

KENYATAAN MEDIA

30 BUAH KELUARGA TERIMA SUMBANGAN SEMPENA SWM KASIH KRISMAS

MELAKA, 21 DISEMBER 2022 – SWM Environment Sdn. Bhd (SWM Environment) meneruskan misi prihatin melalui penyerahan sumbangan barangan keperluan harian kepada 30 buah keluarga yang kurang bernasib baik sempena sambutan perayaan Hari Natal tahun ini.

Inisiatif Tanggungjawab Sosial Korporat (CSR) melalui entiti SWM Kasih Krismas ini merupakan sebahagian daripada komitmen berterusan pihak syarikat bagi menyantuni golongan yang memerlukan dengan mensasarkan Gereja Pentekosta Malaysia, Bachang, iaitu rumah ibadat penganut agama Kristian yang bakal menyambut Hari Natal tidak lama lagi.

“Harapan kami melalui sumbangan SWM Kasih Krismas ini dapat meringankan beban golongan yang kurang bernasib baik dan sekaligus memeriahkan lagi sambutan Hari Natal yang diraikan dalam semangat muhibah,” kata Tuan Haji Mohd Norlisam bin Mohd Nordin, Pengurus Besar Korporat SWM Environment.

Menurut beliau, SWM Environment akan terus melaksanakan tanggungjawabnya menyumbang kepada kesejahteraan komuniti dengan menghulurkan bantuan kepada semua lapisan masyarakat tanpa mengira kaum, latar belakang dan agama.

“Selain SWM Kasih Krismas, tahun ini kita telah mengadakan siri SWM Kasih Misi Sampul Merah, SWM Kasih Santun Ramadan dan SWM Kasih Cahaya Deepavali bagi berkongsi kesyukuran dan kegembiraan sempena musim perayaan utama di negara ini. Semoga usaha yang dilaksanakan ini dapat menghidupkan semangat bermasyarakat serta memberi nilai tambah yang positif kepada komuniti khususnya kumpulan sasaran,” katanya.

Pada masa sama, SWM Environment tidak ketinggalan menggerakkan kempen kesedaran penjagaan alam sekitar melalui pendaftaran Gereja Pentekosta Malaysia di bawah program kitar semula yang menawarkan mata ganjaran, KITAREcycle.

Orang ramai boleh menyumbang barangan kitar semula kepada Gereja Pentekosta Malaysia dan seterusnya mata ganjaran yang diperolehi akan dimasukkan terus ke akaun KITAREcycle gereja tersebut untuk tujuan amal.

-TAMAT-



MENGENAI SWM ENVIRONMENT SDN. BHD.

SWM Environment Sdn. Bhd. (SWM Environment) adalah syarikat konsesi yang menyediakan perkhidmatan pengurusan sisa pepejal dan pembersihan awam di negeri Johor, Melaka dan Negeri Sembilan sejak tahun 1995, melalui perjanjian konsesi yang dikawal di bawah Akta Pengurusan Sisa Pepejal dan Pembersihan Awam Negara (Akta 672).

Sebagai syarikat konsesi terbesar di Malaysia, SWM Environment, melalui tenaga kerja yang seramai 12,000 orang, berkhidmat kepada 27 pihak berkuasa tempatan, 1.5 juta premis kediaman dan komersial dengan lebih daripada 5.1 juta orang bagi liputan geografi 28,500 kilometer persegi. Untuk maklumat korporat yang lebih lanjut, sila layari laman web: www.swmenvironment.com.

Dalam usaha mengurangkan sisa janaan ke tapak pelupusan sampah, SWM Environment secara giat mempromosikan program-program alam sekitar yang berimpak tinggi seperti Pengasingan Sisa Pepejal Di Punca (SAS), kitar semula dan pengkomposan sisa makanan demi meningkatkan kesedaran awam di kalangan masyarakat umum.

Pada 2018, SWM Environment telah memperkenalkan program kitar semula berganjarannya, KITAREcycle, di ketiga-tiga negeri selatan Semenanjung Malaysia. KITAREcycle menggalakkan orang ramai untuk mengitar semula dan menerima mata ganjaran untuk lebih daripada 25 jenis barangan kitar semula yang termasuk kertas, tin aluminium, plastik, sisa elektrik dan elektronik. Mata ganjaran yang terkumpul boleh ditebus secara tunai melalui perbankan dalam talian. Orang ramai boleh memuat turun aplikasi KITAREcycle melalui *Apple Store* dan *Google Play Store*. Sila layari laman web: www.kitarecycle.com untuk mendapatkan maklumat lanjut.

Untuk keterangan lanjut, sila hubungi:

Puan Noor Che Wah Binti Ramli

Eksekutif Kanan

Jabatan Komunikasi Korporat & Hal Ehwal Kerajaan

SWM Environment Sdn. Bhd. (Pejabat Wilayah Melaka)

Tel : 06 – 3350191 / 012 – 385 1436

E-mel : wah.ramli@swmsb.com